

# Urakng Samaria nang baik ati

Orang Samaria yang baik hati



Edisi Kedua

Ahe (Kanayatn)

Keagamaan



Urakng Samaria nang  
baik ati  
Orang Samaria yang  
baik hati

Illustrated by:  
Fred Adlao

Ahe (Kanayatn)  
Kalimantan Barat, Indonesia

Copyright © 2004, Kartidaya



<http://creativecommons.org/licenses/by-nc/4.0/>

Anda tidak boleh menggunakan karya ini untuk keperluan komersial. Anda dapat menyesuaikan dan menambahkan ke karya ini. Anda harus menghargai hak cipta dan pengakuan untuk para penulis, ilustrator, dsb.

English Scriptures quoted are from the Good News Bible © 1994 published by the Bible Societies/Harper Collins Publishers Ltd UK, Good News Bible © American Bible Society 1966, 1971, 1976, 1992. Used with permission.





Laka' koa ada seko' urakng guru agama Yahudi ia langsung badiri man bakata nyobaia! Yesus jakatanya, “Guru ampahе aku baya namu idup nang salamanya?”

Jakata Yesus ka' guru agama Yahudi koa, “Ahe nang taconteng ka' parentah nang Tuhan Allah mareatn ka' Musa? Ahe nang kita' malajari!”

Lukas 10:25-26



Jakata guru agama Yahudi koa nyahuti' Yesus, “Kasihi' boh Tuhan Allahnyu man sigana atinyu man sigana tabiatnyu man sigana kakuatatnnyu man sigana pamikirannyu, man uga' kasihi' boh sabayaatnnyu talino lea diri'nyu babaro.”

Lukas 10:27



Jakata Yesus nyahuti' guru agama Yahudi koa tadi, “Ahe jakata kita' koa sisi batol, lekoa uga' kita' arus panjawat, biar kita' namu idup nang salamanya.”

Tapi guru agama Yahudi nian mabanara' diri'nya ia batanya' agi' ka' Yesus, “Saeba sabayaatn ku talino koa?”

Lukas 10:28-29





Jakata Yesus nyahuti' nya, “Ada' seko' urakng mpat ka' Yerusalem ampusa' ka' Yerikho. Ka' tengah maraga urakng nian di parampok nyarang naappa' haratanya. Buke' ihan ngarampok nya tapi uga' nya mangkong, baru nya ningalatn ka' tanggah maraga urakng nian satangah mati.

Lukas 10:30



Ina' lama laka' koa da' ngalintas imam agama Yahudi. Nya nele' urakng koa nang dah satangah mati di parampok nian tadi nana' nya banto', nya ngalintas ihan bajalatn ka' sabarang maraga.

Lukas 10:31

Baru ngalintas agi' urakng Lewi, nya nele',  
nana' uga' nya banto', nya ngalintas uga'  
bajalatn nyabarang maraga.

Lukas 10:32



Laka koa ngalintas agi' urakng Samaria nang bajalatn ampusa' ka' sote' tempat, nya nele' urakng nang kana' rampok nian tadi da' tasantuk atinya.

Lukas 10:33



Ia nyamaki' urakng koa, lalu marasehatn lukanya man ai' anggur, nya more make minyak jaitun, udah koa nya ngikat lukanya.

Lukas 10:34a



Baru' nya naikatn ka' atas keledainya, laka' koa nya ngincakng ka' rumah panginapatn ngurusa' nya.

Lukas 10:34b



Ampaginya urakng Samaria koa mareatn duit dua dinar ka' ampu' panginapatn koa, jakatannya, 'Kao urus boh urakng nian sampe ia baik, kade'nya kurang duit nian na'e aku mulakng ka' dian agi' baru aku mayarnya'".

Lukas 10:35



Udah koa jakata Yesus ka' guru agama Yahudi koa, “Kade' manurut kita' saelah nang katalu urakng nian tadi nang jaji sabayaan nya talino dari urakng nang kana' rampok koa?”

Lukas 10:36





Sahut guru agama Yahudi koa, “Urakng nang tasantuk atinya, nang manto' urakng nang kana rampok koa tadi.”

Jakata Yesus ka' guru agama Yahudi nian tadi, “Kade' lea koa panjawatlah ka' kaidupatnnyu nang mpakoa uga'.”

Lukas 10:37



